

# Pembangkang cuba raih simpati rakyat miskin: PM

BH 16 MAR 2001

Oleh Rosli Abdul Jalil dan Noorwati Salleh

KUALA LIPIS Khamis – Pembangkang kini menumpukan perhatian kepada golongan rakyat miskin dengan menghasut mereka supaya menentang kerajaan kata Datuk Seri Dr Mahathir Mohamad

Perdana Menteri berkata hasutan itu dilakukan agar rakyat memprotes kononnya kerajaan yang ada sekarang tidak lagi mempedulikan nasib orang miskin

Kita lihat sekarang ini bagaimana mereka tumpu ke tempat setingan dan cuba tunjuk simpati kepada orang ini dengan pergi ke hospital untuk kononnya melihat orang sakit dan sebagainya

Tindakan seperti itu akan dibuat jika ia mendatangkan faedah politik kepada mereka tanpa adanya perasaan kemanusiaan atau keprihatinan terhadap nasib orang lain

Mereka sekarang begitu galak sekali nak tunjuk simpati kononnya kepada orang miskin orang

**Hasutan itu dilakukan agar rakyat memprotes kononnya kerajaan yang ada sekarang tidak lagi mempedulikan nasib orang miskin**

miskin banyak katanya kepada pemberita selepas mengadakan perjumpaan tertutup dengan ahli jawatankuasa Umno Bahagian Lipis dan Raub di sini hari ini

Mengenai khabar angin berikutan pergaduhan antara dua kumpulan penduduk di Jalan Klang Lama Perdana Menteri berkata ia disebarkan oleh pihak tertentu yang tidak diketahui latar belakang mereka

Katanya golongan itu sengaja membesar-besarkan cerita kononnya beratus-ratus orang Melayu dibunuh supaya orang Melayu marah

Saya tak tahu mungkin juga di kalangan orang India juga ada cerita yang sama Dengan ini mereka

berharap rusuhan ini akan berterusan

Kita tahu bahawa rusuhan ini kalau berterusan seperti yang berlaku di sebuah negara lain ada kemungkinan kerajaan di jatuhkan Ini memang pun hasrat politik parti lawan katanya

Dr Mahathir berkata perbuatan menyebarkan fitnah kononnya angka kematian akibat kejadian itu melebihi enam orang menunjukkan pereka cerita itu bukan sahaja mendapat maklumat tidak betul malah menciptanya sendiri

Kita tahu berapa banyak orang yang mati dan cedera tetapi mereka cerita lebih daripada enam orang Saya ingat ini ada niat tersembunyi katanya

# Umno tetap berusaha demi kepentingan Melayu

## DARI MUKA 1

ini penting dan baik. Bukan bagi parti Umno, bukan bagi parti Pas, bukan bagi mana-mana, cuma baik bagi orang Melayu saja.

Sebagaimana dinyatakan sebelum ini, pertemuan itu akan menumpukan perhatian kepada empat perkara yang sepatutnya semua pihak mempunyai pendirian yang sama ke

rana ia adalah kepentingan orang Melayu keseluruhan. Katanya,

Empat perkara itu ialah hak dan keistimewaan orang Melayu, kedudukan agama Islam, bahasa Kebangsaan dan status Raja Raja Melayu seperti yang termaktub dalam Perlembagaan Persekutuan.

Beliau berkata, Umno

akan tetap berusaha agar pertemuan itu menjadi kenyataan kerana menganggap kepentingan orang Melayu perlu dipertahankan oleh semua orang Melayu.

Dan kepentingan yang kita maksudkan ini bukan lebih daripada apa yang telahpun termaktub dalam Perlembagaan yang dipersejajuti oleh semua kaum tegasnya.

Dr Mahathir berkata, Umno berpendapat pertemuan itu penting kerana perlu ada persepahaman di kalangan semua orang Melayu setelah kepentingan mereka di negara ini dicabar. Sedangkan mereka berpecah belah dan

tidak menangani cabaran itu.

Ditanya sama ada penangguhan pertemuan itu memberikan mileage dan publisiti kepada Pas, beliau berkata terpujulah kepada orang Melayu untuk menafsirkannya.

Kalau dia nak tangguh kita tangguhlah sama-sama tangguh. Kalau kita percaya dia dapat publisiti dan mileage itu pandangan orang Melayu apa kita nak buat.

Kita nak buat ini untuk kepentingan semua orang Melayu, termasuk orang Melayu dalam Pas, orang Melayu dalam Keadilan, orang Melayu dalam DAP, pun ini kepentingan mereka. Kalau mereka kata ini bukan kepentingan mereka, ok, katanya.

Dr Mahathir kesal kerana sesetengah pihak yang mendapat manfaat hasil perjuangan Umno memertahankan hak orang

Melayu tidak sanggup untuk mempertahankan hak orang Melayu sendiri.

Jika orang Melayu sendiri tidak mahukan sebarang layanan istimewa umpamanya kemasukan pelajar ke universiti dibuat berdasarkan merit dan kelulusan perkara itu boleh dilaksanakan tanpa mana-mana pihakpun menegur.

Kalau orang Melayu nak macam itu, kita boleh buat dan kita boleh kata cuma yang layak saja boleh masuk. Yang tak layak tak usah masuk. Tak ada layanan istimewa bagi penuntut Melayu ke universiti. Jangan siapa komplen, katanya.

Perdana Menteri berkata pembangkang sebenarnya ingin dianggap sebagai juara orang Cina sehingga sanggup meluahkan kenyataan kalau Melayu Umno ingin membunuh orang Cina, membunuh Melayu Alternatif dulu.

Beliau berkata kenyataan seperti itu dikeluarkan untuk memancing sokongan orang Cina kerana pembangkang berpendapat orang Melayu yang menyokong mereka tidak akan lari sebaliknya yang perlu bagi mereka ialah mendapat sokongan orang Cina.

Sebab itu mereka menyokong tuntutan guru-guru Cina, kita tak ada niat nak bunuh sesiapa pun. Kita bukan anti Cina, kita cuma minta apa yang sudah ada dalam Perlembagaan kita saja, tak lebih dari itu, katanya.

Dr Mahathir berkata tindakan itu juga jelas bagi memastikan Umno tidak popular di kalangan orang Cina, sekali gus mereka dapat meraih sokongan orang Cina dan Melayu yang taksud dengan perjuangan untuk menang dalam pilihan raya.